

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka u 2014. i 2015. godini, Federalno ministarstvo raseljenih osoba i izbjeglica objavljuje

JAVNI OGLAS
za podnošenje prijava/zahtjeva/projekata
za programe pomoći održivog povratka - izgradnja i sanacija infrastrukturnih i drugih
objekata od značaja za širu društvenu zajednicu
u mjestima povratka na prostoru Federacije Bosne i Hercegovine

1. Predmet javnog oglasa

Podnošenje *prijava/zahtjeva/projekata* pravnih lica radi pružanja pomoći u realizaciji projekata izgradnje i sanacije infrastrukturnih i drugih objekata od značaja za širu društvenu zajednicu u mjestima povratka u Federaciji Bosne i Hercegovine i to:

1. putne infrastrukture;
2. vodovodne i kanalizacione infrastrukture;
3. objekata vjerskog i sakralnog karaktera;
4. objekata obrazovnog, sportskog i kulturnog karaktera;
5. ostali objekti od značaja za širu društvenu zajednicu.

2. Pravo učešća

Prijavu/zahtjev/projekat na Javni oglas mogu podnijeti:

- organi vlasti, institucije i vjerske zajednice, te udruženja/organizacije/asocijacije čije su programske aktivnosti usmjerene na proces povratka i njegovu održivost.

3. Opći kriteriji

Prijava/zahtjev/projekat obavezno treba da sadrži slijedeće dokumente:

- čitko popunjenu, potpisanu i ovjerenu prijavu na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
- ovjerenu kopiju akta o registraciji (ako prijavu podnose udruženja/ organizacije/asocijacije i sl.);
- ovjerenu kopiju Statuta (ako prijavu podnose udruženja/organizacije/asocijacije i sl.);
- preporuka projekta od strane šire društvene zajednice, općine/kantona (ako prijavu podnose udruženja/organizacije/ asocijacije i sl.).

4. Posebni kriteriji

Dokazi iz posebnih kriterija nisu obavezni, ali će se na osnovu istih izvršiti vrednovanje aplikacija:

1. izjava o spremnosti sufinansiranja pojedinačnih projekata u procentualnom iznosu od ukupne vrijednosti projekta;
2. postojanje odobrenog projekta, građevinske dozvole, urbanističke saglasnosti i ostala odobrenja potrebna za realizaciju projekta izdata od nadležnih organa (dostaviti ovjerene kopije);
3. izjava/potvrda o broju povratničkih domaćinstava kojima će projekat koristiti;
4. ostali izvori prihoda za sufinansiranje projekta od strane drugih donatora (dostaviti adekvatan dokaz);

5. izjava/potvrda o broju domaćinstava zainteresovanih za povratak u mjesta povezana sa lokacijom projekta;
6. izjava o očekivanim rezultatima u slučaju realizacije projekta i procjenu mjerljivih efekata koji idu u prilog stvaranju preduslova za kvalitetniji i sadržajni život povratnika u mjestu povratka, može biti sastavni dio idejnog projekta ili u obliku posebne izjave.

Napomena: Izjave pod 1., 3., i 5. mogu biti popunjene i ovjerene na obrascu prijave.

5. Način izbora korisnika

Izbor projekata i korisnika pomoći po osnovu ovog Javnog oglasa će vršiti Komisija koju je imenovao federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor korisnika pomoći izgradnje i sanacije infrastrukturnih i drugih objekata od značaja za širu društvenu zajednicu u mjestima povratka u Federaciji Bosne i Hercegovine" koje će donijeti federalni ministar raseljenih osoba i izbjeglica u skladu sa odredbama ovog Javnog oglasa.

Obrazac prijave je dostupan na web stranici Ministarstva www.fmroi.gov.ba, ili se može preuzeti lično u prostorijama Ministarstva na adresi Terezije 56. Sarajevo.

Dostavljanje prijave/zahtjeva/projekata se vrši preporučeno poštom ili lično u zapečaćenoj koverti na adresu:

**Federalno ministarstvo raseljenih osoba i izbjeglica,
Alipašina 41, 71000 Sarajevo**

sa naznakom „Prijava na Javni oglas iz programa održivog povratka – izgradnja i sanacija
infrastrukturnih i drugih objekata od značaja za širu društvenu zajednicu u mjestima povratka
na prostoru Federacije Bosne i Hercegovine“

(Na poleđini koverta obavezno navesti naziv/ime podnosioca prijave, adresu i kontakt telefon)

Javni oglas ostaje otvoren 20 dana od dana objavljivanja

Nepotpune i neblagovremene prijave neće se uzimati u razmatranje.

Dodatne informacije mogu se dobiti na tel: 033/201-756 i 033/205-543

POSEBNA NAPOMENA

Prijave/molbe/zahtjevi/projekti koji se nalaze na utvrđenim rang listama iz 2012.godine će se nastaviti rješavati do 30.06. 2014. godine, u skladu sa brojem osvojenih bodova na utvrđenim rang listama, nakon čega će se iste smatrati nevažećim.



Broj:03-36-2- 4 -2 /14
Sarajevo, 09.01.2014.godine